

## UPUTSTVO ZA PACIJENTA

*Prije upotrebe pažljivo pročitajte ovo uputstvo!*

Uputstvo sačuvajte. Možda ćete željeti ponovo da ga pročitate.

Ako imate dodatnih pitanja, obratite se svom ljekaru ili farmaceutu.

Ovaj lijek je propisan lično Vama i ne smijete ga dati drugome.

Drugome ovaj lijek može da škodi, čak i ako ima znake bolesti slične Vašima.

Ako primjetite bilo koju nuspojavu, potrebno je obavijestiti ljekara ili farmaceuta.



**ENOX PLUS tablete 2,5+12,5 mg**  
**ENOX PLUS tablete 5+25 mg**  
*ramipril+hidrohlorotiazid*

Sadržaj:

1. Šta su **ENOX PLUS** tablete i za šta se koriste?
2. Prije nego počnete uzimati **ENOX PLUS** tablete
3. Kako uzimati **ENOX PLUS** tablete?
4. Moguća neželjena djelovanja
5. Kako čuvati **ENOX PLUS** tablete?
6. Dodatne informacije

### 1. Šta su **ENOX PLUS** tablete i za šta se koriste?

**ENOX PLUS** je kombinacija dvaju lijekova koji se zovu ramipril i hidrohlorotiazid. Ramipril pripada skupini lijekova zvanih "ACE inhibitori" (Angiotensin Converting Enzyme - angiotenzin konvertirajući enzim). Djeluje tako da:

- smanjuje stvaranje tvari koje povećavaju krvni pritisak u Vašem tijelu,
- čini Vaše krvne žile opuštenijima i širim,
- olakšava Vašem srcu pumpati krv po tijelu.

Hidrohlorotiazid pripada grupi lijekova zvanih "tiazidski diuretici" ili "tablete za vodu". Djeluje tako da povećava količinu vode (urina) koju izlučujete. To pomaže u snižavanju krvnog pritiska. **ENOX PLUS** se koristi za liječenje povišenog krvnog pritiska. Dvije aktivne tvari zajedno snižavaju krvni pritisak. Koriste se zajedno kad liječenje samo jednom od tih tvari nije bilo uspješno.

### 2. Prije nego počnete uzimati **ENOX PLUS** tablete

Nemojte uzimati **ENOX PLUS** tablete

- Ako ste alergični (preosjetljivi) na ramipril, hidrohlorotiazid ili bilo koji drugi sastojak **ENOX PLUS** (vidjeti dio 6).
- Ako ste alergični (preosjetljivi) na lijekove slične **ENOX PLUS** (drugi ACE inhibitori ili lijekovi derivati sulfonamida).
- Znaci alergijske reakcije mogu uključivati osip, probleme s gutanjem ili disanjem, otcicanje usana, lica, grla ili jezika.
- Ako ste ikad imali ozbiljnu alergijsku reakciju zvanu angioedem. Znaci te reakcije uključuju svrbež, osip (urtikarija), crvene mrlje po rukama, stopalima i vratu, otcicanje grla i jezika, otcicanje oko očiju i usana, teškoće u disanju i gutanju.
- Ako ste na dijalizi ili nekom drugom obliku filtracije krvi. Ovisno o aparatu koji se pri tom koristi, **ENOX PLUS** možda nije pogodan za Vas.
- Ako imate teških problema s jetrom.
- Ako imate abnormalne količine soli u krvi (kalcij, kalij, natrij).
- Ako imate problema s bubrežima, pri čemu je smanjena opskrba bubrega krvlju (stenozna bubrežna arterija).
- Tokom zadnjih 6 mjeseci trudnoće (vidjeti dio "Trudnoća i dojenje").
- Ako dojite (vidjeti dio "Trudnoća i dojenje").
- Ako uzimate lijek za krvni pritisak koji sadrži aliskiren, a imate šećernu bolest.
- Ako uzimate lijek za krvni pritisak koji sadrži aliskiren, a imate probleme s bubrežima.

Nemojte uzimati **ENOX PLUS** ako se išta od gore navedenog odnosi na Vas. Ako niste sigurni, razgovarajte s Vašim ljekarom prije uzimanja **ENOX PLUS-a**.

Budite oprezni sa **ENOX PLUS** tabletama

Posavjetujte se s ljekarom ili farmaceutom prije nego počnete uzimati lijek:

- ako imate problema sa srcem, jetrom ili bubrežima
- ako ste izgubili puno soli ili tekućine iz tijela (zbog bolesti – povraćanja, proljeva, neuobičajeno pojačanog znojenja, prehrane s malim unosom soli, dugotrajnog uzimanja diuretika ili zbog dijalize)
- ako imate predviđenu terapiju za smanjenje alergije na ubod pčela ili osa (desenzibilizacija)
- ako trebate primiti anestetik. To se odnosi na operaciju ili zahvat na zubima, pri čemu ćete možda trebati prekinuti liječenje **ENOX PLUS-om** jedan dan prije; upitajte ljekara za savjet
- ako imate visoku koncentraciju kalija u krvi (vidljivu u rezultatima krvnih pretraga)
- ako uzimate lijekove ili imate stanja koja mogu smanjiti razinu natrija u krvi. Vaš ljekar može provoditi redovne krvne pretrage, posebno za provjeru nivoa natrija u krvi, pogotovo ako ste stariji.
- ako imate vaskularnu bolest vezivnog tkiva, kao što je skleroderma ili sistemski lupus erythematosus
- ako ste trudni ili mislite da biste mogli zatrudniti morate obavijestiti svog ljekara; **ENOX PLUS** se ne preporučuje u prva tri mjeseca trudnoće, a može ozbiljno naštetiti Vašem djetetu nakon trećeg mjeseca trudnoće (vidjeti poglavlje "Trudnoća i dojenje").
- ako Vam se vid pogorša ili imate bol u oku, posebno ako kod Vas postoji rizik razvoja stanja zvanog glaukom ili ste alergični na lijekove koji sadrže penicilin ili sulfonamide.
- Ako primijenjujete bilo koju od lijekova navedenih u nastavku, koji se koriste za liječenje visokog krvnog pritiska:

- blokator angiotenzin II receptora (ARB) (nazivaju se i sartanima – npr. valsartan, telmisartan, irbesartan), naročito ako imate bubrežne tegobe povezane sa šećernom bolešću;
  - aliskiren.
- Ljekar Vam može provjeriti bubrežnu funkciju, krvni pritisak i količinu elektrolita (npr. kalija) u krvi u redovnim intervalima. Vidjeti, također, informacije pod naslovom "Nemojte uzimati **ENOX PLUS** tablete".

Ako se nešto od gore navedenog odnosi na Vas (ili u to niste sigurni), razgovarajte s ljekarom prije uzimanja **ENOX PLUS-a**.

### Posebna upozorenja

Ako Vam je ljekar rekao da imate bolest nepodnošenja nekih šećera, prije nego što počnete uzimati ovaj lijek posavjetujte se sa svojim ljekarom.

**ENOX PLUS 2,5+12,5 mg** sadrži 100,72 mg laktoze (50,36 mg glukoze i 50,36 mg galaktoze) po jednoj dozi.

**ENOX PLUS 5+25 mg** sadrži 113,31 mg laktoze (56,65 mg glukoze i 56,65 mg galaktoze) po jednoj dozi.

O tome treba voditi računa kod bolesnika koji imaju šećernu bolest.

### Uzimanje drugih lijekova sa **ENOX PLUS** tabletama

Molimo Vas da obavijestite Vašeg ljekara ili farmaceuta ako uzimate ili ste nedavno uzimali neke druge lijekove, uključujući i one koji se kupuju bez recepta (uključujući i biljne lijekove).

**ENOX PLUS** može uticati na djelovanje drugih lijekova, a drugi lijekovi mogu također uticati na djelovanje **ENOX PLUS-a**.

Molimo Vas da obavijestite ljekara ako uzimate bilo koji od sljedećih lijekova, jer oni mogu smanjiti učinak **ENOX PLUS-a**:

- lijekovi za ublažavanje boli i upale (tj. nesteroidni protuupalni lijekovi, NSAID, kao što su ibuprofen, indometacin i acetilsalicilna kiselina)
- lijekovi za liječenje niskog krvnog pritiska, šoka, zatajenja srca, astme ili alergija, kao što su efedrin, noradrenalin ili adrenalin. Ljekar će vam trebati provjeriti krvni pritisak.
- Molimo Vas da obavijestite ljekara ako uzimate bilo koji od sljedećih lijekova, jer oni mogu povećati vjerovatnoću razvoja nuspojava ako ih uzimate s **ENOX PLUS-om**:
- lijekovi za ublažavanje boli i upale (tj. nesteroidni protuupalni lijekovi, kao što su ibuprofen, indometacin i acetilsalicilna kiselina)
- lijekovi koji mogu smanjiti količinu kalija u krvi, uključujući lijekove protiv zatvora, diuretike (tablete za vodu), amfetorin B (koristi se za gljivične infekcije) i ACTH (koristi se za provjeru aktivnosti adrenalnih žlijezda), lijekovi za liječenje raka (hemoterapija)
- lijekovi za srčane probleme, uključujući probleme s brojem otkucaja srca
- lijekovi za sprječavanje odbacivanja organa nakon transplantacije, kao što je ciklosporin
- diuretici (lijekovi koji potiču izlučivanje tekućine iz organizma), kao što je furosemid
- lijekovi koji mogu povećati nivo kalija u krvi, kao što su spironolaktan, triamteren, amilorid, kalijeve soli i heparin (lijek za razrjeđivanje krvi)
- steroidni lijekovi za liječenje upale, kao što je prednizolon
- suplementi kalcija
- alopurinol (koristi se za sniženje koncentracije urične kiseline)
- prokainamid (za liječenje problema sa srčanim ritmom)
- kolestiramin (za smanjenje masnoća u krvi)
- karbamazepin (za epilepsiju)
- aliskiren (za liječenje visokog krvnog pritiska)
- heparin (koristi se za razrjeđivanje krvi)
- vildagliptin (koristi se za liječenje dijabetesa tipa 2)

Molimo Vas da obavijestite ljekara ako uzimate bilo koji od sljedećih lijekova, jer **ENOX PLUS** može uticati na njihovo djelovanje:

- lijekovi za liječenje dijabetesa, kao što su oralni lijekovi za snižavanje koncentracije glukoze u krvi i inzulin; **ENOX PLUS** može dovesti do smanjenja koncentracije šećera u krvi, pa je potrebno redovno provjeravati nivo šećera u krvi za vrijeme dok uzimate **ENOX PLUS**;
- litij (za liječenje mentalnih problema); **ENOX PLUS** može povećati koncentraciju litija u krvi pa je potrebno da Vaš ljekar pažljivo prati koncentraciju litija.
- lijekovi za opuštanje mišića
- kinin (za malariju)
- lijekovi koji sadrže jod, a koriste se prilikom rendgenskog ili CT pregleda u bolnici
- penicilin (za infekcije)
- lijekovi za razrjeđivanje krvi koji se uzimaju kroz usta (oralni antikoagulansi), kao što je varfarin.

Ljekar će Vam možda morati promijeniti dozu i/ili poduzeti druge mjere opreza:

- Ako primjenjujete neki blokator angiotenzin II receptora (ARB) ili aliskiren (vidjeti, takođe, informacije pod naslovima "Nemojte uzimati **ENOX PLUS** tablete" i "Budite oprezni sa **ENOX PLUS** tabletama").

Ako se išta od gore navedenog odnosi na Vas (ili u to niste sigurni), razgovarajte s ljekarom prije uzimanja **ENOX PLUS-a**.

### Pretrage

Posavjetujte se s Vašim ljekarom ili farmaceutom prije uzimanja lijeka:

- ako trebate obaviti ispitivanje funkcije paratiroidne žlijezde; **ENOX PLUS** može uticati na rezultate pretrage,

- ako ste sportisti i trebate obaviti anti-doping kontrolu; **ENOX PLUS** može dati pozitivan rezultat na testu.

### Djeca i adolescenti

**ENOX PLUS** se ne preporučuje djeci i adolescentima mlađim od 18 godina, jer lijek nije primjenjivan u toj starosnoj grupi.

### Uzimanje hrane i pića s **ENOX PLUS-om**

Uzimanje alkohola s **ENOX PLUS-om** može izazvati omaglicu ili ošamućenost. Ako ne znate koliko smijete popiti dok uzimate **ENOX PLUS**, razgovarajte s Vašim ljekarom, s obzirom da lijekovi za snižavanje krvnog pritiska i alkohol mogu imati aditivno djelovanje;

**ENOX PLUS** se može uzeti s obrokom ili između obroka.

### Trudnoća i dojenje

Ako mislite da ste trudni ili da biste mogli zatrudniti, morate obavijestiti svog ljekara. Ne preporučuje se uzimati **ENOX PLUS** tokom prvih 12 sedmica trudnoće, a ne smije se uzimati nakon 13-e sedmice, s obzirom da uzimanje **ENOX PLUS-a** za vrijeme trudnoće može biti štetno za dijete.

Ako zatrudnite za vrijeme uzimanja **ENOX PLUS-a**, odmah obavijestite svog ljekara. Ako planirate trudnoću, potrebno je unaprijed prići na primjerenu alternativnu terapiju. Ne biste smjeli uzimati **ENOX PLUS** ako dojite.

Prije uzimanja bilo kojeg lijeka upitajte za savjet Vašeg ljekara ili farmaceuta.

### Utjecaj na upravljanje vozilima i rukovanje mašinama

Za vrijeme korištenja **ENOX PLUS-a** možete osjetiti omaglicu. Veća je vjerovatnoća da se to dogodi na početku liječenja ili kad uzmete veću dozu **ENOX PLUS-a**. Ako se to dogodi, nemojte upravljati vozilom ili koristiti alate i mašine.

### 3. Kako uzimati ENOX PLUS tablete?

Uvijek uzimate tačno onako kako Vam je propisao ljekar. Ako niste sigurni, trebate se posavjetovati s ljekarom ili farmaceutom.

Uzimanje lijeka

- Lijek uzimate kroz usta, svaki dan u isto vrijeme, obično ujutro.
- Tablete progutajte s tekućinom.
- Nemojte drobiti ili žvakati tablete

Koliko lijeka uzeti:

*Liječenje visokog krvnog pritiska*

Ljekar će prilagoditi dozu koju uzimate tako da Vaš krvni pritisak bude pod kontrolom.

*Stariji bolesnici*

Ljekar će smanjiti početnu dozu i postupno prilagođavati Vašu terapiju.

### Ako uzmete više ENOX PLUS tableta nego što biste trebali:

Obavijestite ljekara ili otidite u najbližu bolnicu. Nemojte sami voziti u bolnicu, neka Vas poveže neko drugi ili pozovite hitnu pomoć. U slučaju bilo kakvih pitanja u vezi s primjenom ovog lijeka, obratite se svom ljekar u farmaceutu.

### Ako ste zaboravili uzeti dozu ENOX PLUS tableta:

Ako zaboravite uzeti lijek, uzmite sljedeću dozu prema rasporedu uzimanja. Ne uzimate dvostruku dozu kako biste nadoknadili propušteno. U slučaju bilo kakvih pitanja u vezi s primjenom ovog lijeka, obratite se svom ljekar u farmaceutu.

### 4. Moguća neželjena djelovanja

Kao i svi lijekovi, **ENOX PLUS** može izazvati nuspojave, iako se one neće javiti kod svakoga.

Prestanite uzimati i odmah se obratite ljekar u, ako primijetite bilo koju od sljedećih nuspojava – možda će Vam biti potrebna i hitna medicinska pomoć:

- oticanje lica, usana ili grla koje otežava gutanje ili disanje, kao i svrbež i osip - to mogu biti znaci teške alergijske reakcije
- teške kožne reakcije, uključujući osip, ulceracije u ustima, pogoršanje postojećih kožnih bolesti, crvenilo, mjehurići na koži ili ljuštenje kože (kao što je Stevens-Johnsonov sindrom, toksična epidermalna nekroliza ili erythema multiforme).

Odmah obavijestite ljekara, ako osjetite nešto od sljedećeg:

- ubrzani puls, nepravilne ili snažne otkucaje srca (palpitacije), bol u prsima, stezanje u prsima ili ozbiljnije probleme, kao što su srčani i moždani udar;
- zadihanost, povišena temperatura uz kašalj koja traje 2 do 3 dana te smanjeni apetit; to mogu biti znaci problema s plućima, uključujući upalu;
- ako primijetite da Vam se češće javljaju modrice, bilo kakvi znakovi krvarenja (npr. krvarenje desni), ljubičaste tačke na koži ili infekcije češće nego što je to uobičajeno, ako imate bolno grlo i groznicu, osjećaj umora, nesvjesticu, omaglicu ili blijedu kožu - to mogu biti znaci problema s krvii ili koštanom srži;
- jaki bolovi u želucu, koji se mogu proširiti na leđa (to može biti znak pankreatitisa – upala gušterače.)
- groznica, zimica, umor, gubitak apetita, bol u želucu, mučnina, žutilo kože ili očiju (žutica) - to mogu biti znaci problema s jetrom, kao što je hepatitis (upala jetre) ili oštećenje jetre.

### Ostale nuspojave

Molimo Vas da obavijestite ljekara ako neke od sljedećih nuspojava postanu ozbiljne ili traju duže od par dana.

### Česte (pojavljuju se u manje od 1 na 10 bolesnika)

- glavobolja, osjećaj slabosti ili umora
- omaglica (češće se javlja na početku liječenja ili kod uzimanja veće doze **ENOX PLUS-a**)
- suhi, nadražujući kašalj ili bronhitis
- povećan nivo šećera u krvi, vidljiv krvnim pretragama; ako imate dijabetes, može se pogoršati
- povećan nivo urične kiseline ili masti u krvi, vidljiv krvnim pretragama
- bolni, crveni ili natečeni zglobovi.

### Manje česte (pojavljuju se u manje od 1 na 100 bolesnika)

- osip na koži, s/bez ispuščenja dijelova kože
- crvenilo praćeno vrućinom, nesvjestica, hipotenzija (abnormalno nizak krvni pritisak), posebno kod naglog sjedanja ili ustajanja
- problemi s ravnotežom (vrtoglavica)
- svrbež i neobični osjećaji na koži, kao što su ukočenost, žarenje, peckanje, vrućina ili trnci (parestezija)
- gubitak ili poremećaj okusa
- problemi sa snom
- osjećaj depresije, napetosti, povećane nervoze ili nemira
- začepljen nos, upala sinusa (sinusitis), zadihanost
- upala desni (gingivitis), nateknuta usta
- crvene, nadražene, natečene ili vodenaste oči
- zvonjava u ušima
- zamućen vid
- gubitak kose
- bol u prsištu
- bol u mišićima
- zatvor, bol u želucu ili crijevima
- poremećaji probave ili mučnina
- povećano izlučivanje tekućine (urin) tokom dana
- znojenje jače od uobičajenog
- gubitak ili smanjenje apetita (anoreksija), smanjen osjećaj gladi
- ubrzani ili nepravilni otkucaji srca
- nateknute ruke i noge (to mogu biti znaci da zadržavate više vode nego je uobičajeno)
- groznica
- seksualna impotencija kod muškaraca
- krvne pretrage pokazuju smanjenje broja crvenih ili bijelih krvnih stanica te trombocita ili koncentracije hemoglobina.
- krvne pretrage pokazuju promjene u radu jetre, gušterače ili bubrega
- krvne pretrage pokazuju smanjen nivo kalija u krvi.

### Rijetke (pojavljuju se u manje od 1 na 1000 bolesnika)

- osjećaj nesigurnosti ili zbunjenosti
- crven i natečen jezik
- teško ljuštenje ili guljenje kože, osip praćen svrbežom i kvrgama
- problemi s noktima (npr. klimavost nokta ili odvajanje nokta iz ležišta)
- kožni osip ili pojava modrica na koži
- pojava tačaka na koži i hladnoća u udovima
- crvene, nadražene, natečene ili vodenaste oči
- poremećaj sluha i zvonjava u ušima
- osjećaj slabosti
- krvne pretrage pokazuju smanjen broj crvenih ili bijelih krvnih stanica, trombocita ili smanjenu koncentraciju hemoglobina.

### Vrlo rijetke (pojavljuju se u manje od 1 na 10000 bolesnika)

- mučnina, proljev ili žgaravica
- crven i nateknut jezik ili suha usta
- krvne pretrage pokazuju povećan nivo kalija u krvi.

### Ostale prijavljene nuspojave

Molimo Vas da obavijestite ljekara ako neke od sljedećih nuspojava postanu ozbiljne ili traju duže od par dana:

- teškoće u koncentraciji, nemir ili zbunjenost
- prsti na nogama i rukama mijenjaju boju kad Vam je hladno uz osjećaj peckanja ili boli kad se ugrijeti (Raynaudov fenomen)
- povećanje grudi kod muškaraca
- krvni ugrušci
- poremećaj sluha
- smanjeno suzenje očiju
- objekti izgledaju žućkasto
- dehidracija
- oticanje, bol ili crvenilo u obrazima (upala žlijezde slinovnice)
- oticanje crijeva zvano 'intestinalni angioedem', uz simptome kao što su bol u trbuhu, povraćanje i proljev
- povećana osjetljivost na sunce
- teško ljuštenje ili guljenje kože, osip praćen svrbežom i kvrgama ili druge kožne reakcije kao što je osip praćen crvenilom na licu i čelu
- kožni osip ili modrice
- mrnje na koži ili hladnoća u ekstremitetima
- problemi s noktima (npr. klimavost nokta ili odvajanje nokta iz ležišta)
- mišićnokoštana ukočenost ili nemogućnost pomicanja vilice (tetanija)
- slabost ili grčevi u mišićima
- smanjen libido kod muškaraca i žena
- krv u mokraći (to može biti znak problema s bubrezima, intersticijski nefritis)
- povećana nivo šećera u mokraći.
- povećan broj određene vrste bijelih krvnih stanica (eozinofilija) vidljiv prilikom krvnih pretraga
- krvne pretrage pokazuju premali broj krvnih stanica (pancitopenija)
- krvne pretrage pokazuju promjenu razine elektrolita kao što su natrij, kalcij, magnezij i klorid u krvi
- usporena ili narušena sposobnost reakcije
- poremećaj njuha
- teškoće pri disanju ili pogoršanje astme
- jaka bol u oku, zamagljen vid ili viđenje aureola oko svjetala, glavobolja, mučnina i povećanje koji mogu upućivati na stanje zvano glaukom.

### Prijavlivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

### 5. Kako čuvati ENOX PLUS tablete?

**ENOX PLUS** tablete morate čuvati izvan dohvata i pogleda djece.

Čuvajte **ENOX PLUS** tableta na temperaturi do 25°C u originalnom pakovanju.

### Rok valjanosti

3 godine.

**ENOX PLUS** tablete se ne smiju upotrijebiti nakon isteka roka upotrebe navedenog na pakovanju.

Rok upotrebe na pakovanju odnosi se na zadnji dan navedenog mjeseca.

### 6. Dodatne informacije

Sastav

#### **ENOX PLUS 2,5+12,5 mg**

Svaka tableta sadrži 2,5 mg ramiprila i 12,5 mg hidrohlorotiazida kao aktivne tvari. Pomoćne tvari: laktatoz monohidrat, preželatinizirani kukuruzni škrob, natrijum bikarbonat, gliceril dibehenat, natrijum stearil fumarat, purificirana voda.

#### **ENOX PLUS 5+25 mg**

Svaka tableta sadrži 5 mg ramiprila i 25 mg hidroklorotiazida kao aktivne tvari. Pomoćne tvari: laktatoz monohidrat, preželatinizirani kukuruzni škrob, natrijum bikarbonat, gliceril dibehenat, natrijum stearil fumarat, purificirana voda.

#### **Sadržaj pakovanja**

30 (3x10) tableta od 2,5+12,5 mg u blister pakovanju, u kutiji.

30 (3x10) tableta od 5+25 mg u blister pakovanju, u kutiji.

#### **Režim izdavanja**

Lijek se izdaje uz ljekarski recept.

#### **PROIZVOBAČ (administrativno sjedište), PROIZVOBAČ GOTOVOG LIJEKA (mjesto puštanja serije lijeka u promet) i NOSILAC ODOBRENJA ZA STAVLJANJE LIJEKA U PROMET:**

ZADA Pharmaceuticals d.o.o.

Donji Bistarac b.b.

75300 Lukavac

#### **Broj i datum rješenja o stavljanju lijeka u promet:**

**ENOX PLUS**, tableta, 30 x (2,5+12,5) mg: 04-07.3-2-4837/15 od 30.09.2015.

**ENOX PLUS**, tableta, 30 x (5+25) mg: 04-07.3-2-4838/15 od 30.09.2015.

#### **Datum zadnje revizije uputstva:**

Septembar, 2015.

SPUP00344 V2